

यूहन्नासे भिबा डाच्छारेमला चिठी

चु चिठीला बारेरी पाङ्तोःमा

भिबा म्हि: येशूला मुल चेला यूहन्नासे भिबा मुबा। चु यूहन्नासे थाबां पिन्बा समाचारएनोन भिबा मुला।

भिबा ग्ला: पक्का था आरे, तर बाइबल विद्वानगदेसे एफिसस शहरग्याम तखम्ला भिसी पाङ्बा मुला।

भिबा साल: पक्का था आरे, तर ल्हानान बाइबल विद्वानगदेसे ओस्पन ईश्वी संवत् ६० (विक्रम संवत् १४७) सालरी भिबा मुबा भिसी पाङ्बा मुला।

खाल्दा भिबा: पक्का था आरे, तर ल्हाना हङ्बा बाइबल विद्वानगदेसे एशिया अञ्चलरी मुबा मण्डलीगदेदा भिबा मुबा भिसी पाङ्बा मुला।

चु चिठीरी मुल ताम न्ही भिबा मुला। ताम गिक चा चु चिठी पढब लबा म्हिगदेसे परमेश्वरदेन थेला भा येशू ख्रीष्टदेन छ्याम सदन संगती लसी चिउ भिसी आँट पिन्बा मुला। ओच्छे अर्गु ताम चा संगतीदा न्होङ्ना लबा थे लुसीला तामगदे अन्छार थाभ्रउ भिसी होशियार तना लबा मुला। चु जम्बुलिङरी चिजी भिसम नइबा तामगदे खला। ओच्छे येशू चा परमेश्वरला भा जे हिन्ना म्हि दोबारी आखम भिबा लुसीला तामगदे खानडदमान थेःना लबा मुबा। थे लुसीला ताम लोपबा म्हिगदेसे थाबां याङ्बाला लागिरी जम्बुलिङला जम्मान तामग्याम थारेड चितोःला ओच्छे ज्यबा बानीबेहोर थोसी स्थान्दोदा माया लआतोः भिसी लोप्मुबा।

चुहड् लसी लोप्बा लुसीला तामगदेदा यूहन्नासे थाबान येशू ख्रीष्ट म्हिनोन मुबा भिसी घोना लबा मुला। ओच्छे येशूदा विश्वास लबादेन परमेश्वरदा माया लबागदे जम्मासेन गिकसेम गिकदा माया लतोःला भिसी पाङ्बा मुला।

मुल तामगदे

- तिगदा भ्रिबा १:१-४
- य्हालदेन धोपधोप १:५-२:२६
- परमेश्वरला कोलागदेदेन शैतानना कोलागदे ३:१-२४
- सत्यदेन फट्टा ताम ४:१-६
- मायाग्याम लतोःबा गे ४:७-२१
- ढाबारी खम्बा विश्वास ५:१-२१

यूहन्नासे भिबा डाच्छारेमला चिठी

जुनी पिन्बा बचन

१ डन्से एनीगदेदा दडबोहेन्सेन मुबा जुनी पिन्बा बचनना बारैरी भिबा मुला। चु बचन डन्से हाडसेन थे:बादेन हाडलान मीसे प्राड्बा हिन्ना। ओच्छे डन्से हाडलान यासे थुर्सी च्याबा हिन्ना।*
 २थे जुनी परमेश्वरसे डन्दा उन्जी, ओच्छे डन्से प्राड्जी। ओच्छे डन्से हाडसेन प्राड्बा ताम पाड्बा हिन्ना। थेतबासेलमा एनीगदेदाएनोन डन्से थे जुकजुकधोनाला जुनीला बारैरी थे:ना लला। परमेश्वर आबादेन छ्याम मुबा थे जुकजुकधोनाला जुनी परमेश्वर आबासेन डन्दा उन्जी।*
 ३एनीगदेएनोन डन्देन छ्यामनोन संगती लगै भिसी डन्से प्राड्बादेन थे:बा जम्मान ताम एनीगदेदा पाड्बा मुला। यहाडला संगती चा परमेश्वर आबादेन थेला भा येशू ख्रीष्टदेन छ्याम मुला ४यहाडला सेम पूरान ताड्गै भिसी डन्से चु ताम भिबा हिन्ना।

परमेश्वरनोन यहाल हिन्ना

५डन्से परमेश्वरला भा येशूग्याम थे:बा समाचारनोन एनीगदेदा थे:ना लबा मुला। थे समाचार चुनोन हिन्ना, परमेश्वरनोन यहाल हिन्ना, परमेश्वरदेन छ्याम धोप भिबा मुनोन आरे। ६चुदे सुडसे चा यहाड परमेश्वरला संगतीरी मुला भिसी पाड्सी भ्रबा, तर थे अन्छार आभ्रना धोपधोपरीन भ्रजी भिसम यहाड सत्य ताम अन्छार आभ्रबा फट्टा हिन्ना। ७तर परमेश्वर यहाल मुबा हड् लसी चुदे यहाडएनोन यहालरी भ्रजी भिसम यहाडला गुडरी संगती तला। ओच्छे परमेश्वरला भा येशूला कासेन यहाडला जम्मान पाप खुसी धाना लला।
 ८चुदे यहाडसे डाइ पाप लबान आरे भिसी पाड्जी भिसम यहाडसे हाडसे हाडदान धोका पिन्बा हिन्ना। ओच्छे यहाडदेन सत्य भिबा तनोन आत। ९तर चुदे यहाडसे डाइ पाप लबा मुला भिसी परमेश्वरला डाच्छा पाड्जी

भिसम थेसे यहाडला पापला दोष
मेटब लला। तिग्दा भिसम थे विश्वास
लखम्बा ठीक निसाफ लबा परमेश्वर
हिन्ना। थेसेन यहाडला जम्मान
आज्यबा गेग्याम यहाडदा फेला।
१० चुदे यहाडसे पाप लबा आरे भिसी
पाङ्जी भिसम यहाडसे परमेश्वरदा
फट्टा स्होबा हिन्ना, ओच्छे थेला बचन
अन्छार यहाड आभ्र।

२ डाला कोलागदे, एनीगदेसे
पाप थालगै भिसी डाइ चु ताम
एनीगदेला लागिरी भिबान मुला। तर
चुदे खालैसे पाप लनोन लजी भिसम
यहाडला लागिरी परमेश्वरदेन छ्याम
बिन्ती लसी पिन्बा परमेश्वरसे म्हन्बा
अन्छार भ्रबा येशू ख्रीष्ट यहाडदेन
छ्याम मुला। २थेनोन येशू ख्रीष्ट
यहाडला पाप माफ लबारी सिबा
हिन्ना। तर थे यहाडला लागिरी जे
आहिन जम्बुलिडरी मुबा जम्मान
म्हिगदेला पापला लागिरी सिबा
हिन्ना।

३ चुदे यहाडसे परमेश्वरसे कुल्बा
तामगदे ड्यान्जी भिसम चुग्यामसेन
यहाडसे थेदा डोसेजीम भिसी था
याड्ला। ४ जुन म्हिसे डाइ परमेश्वरदा
डोसेबा मुला भिसी पाङ्ला, तर थेसे
कुल्बा ताम आड्यान्नी भिसम थे
फट्टा हिन्ना। थेहड्बा म्हिदेन चा
सत्य भिबा तनोन आत। ५ तर जुन
म्हि परमेश्वरला बचन अन्छार भ्रला,

थेसे परमेश्वरदा सेमहेन्सेन माया लबा
तला। चुग्यामसेन यहाड परमेश्वरदेन
छ्याम मुला भिबा ताम पक्का तला।
६ परमेश्वरसे म्हन्बा अन्छार भ्रमुला
भिबा म्हिसे ख्रीष्ट हड्बान दोःसी
भ्रतोःला।

परमेश्वरसे कुल्बा छार ताम

७ डाला सेम निबा होगदे, डाइ
एनीगदेदा भिबा चु ताम परमेश्वरसे
कुल्बा छार ताम आहिन। तर
डाच्छाहेन्सेन एनीगदेदा था मुबा
परमेश्वरसे कुल्बा तामनोन डाइ
भिबान मुला। चु ताम एनीगदेसे
डाच्छान थेःबा बचन हिन्ना।*
८ तसैनोन डाइ एनीगदेदा चु कुल्बा
तामदा छार ताम म्हन्सी भिबान मुला।
चु ताम चा ख्रीष्टदेन छ्याम मुला,
ओच्छे ख्रीष्टसे एनीगदेदाएनोन चु
ताम म्राङ्ना लबा मुला। तिग्दा भिसम
धोप म्हासी निबान मुला, ओच्छे सत्य
यहाल डाच्छाहेन्सेन फेबान मुला।

९ जुन म्हिसे डा यहालरी मुला भिसी
पाङ्ला, तर थेसे जम्मान ज्योज्यो
आले नाना आडागदेदा हेला लजी
भिसम थे म्हि अभ्र धोपधोपरीन
तला। १० जुन म्हिसे जम्मान ज्योज्यो
आले नाना आडादा माया लला थे म्हि
यहालरी तला, ओच्छे यहालरी चिबा
म्हिसे खालैदा न्होङ्ना आल। ११ तर
जुन म्हिसे जम्मान ज्योज्यो आले नाना

आडादा हेला लला, थे चा धोपधोपरी
तला। थेहड्बा धोपधोपरी भ्रबा म्हिसे
हाड खानड निबान मुला भिबा तामनोन
था आत। तिग्दा भिसम धोपधोप
तबासे लमा थेसे तिगै आम्राड्।

१२ डाला कोलागदे, ख्रीष्टसे लमा
एनीगदेला पापला दोष मेटब
तबा मुला भिसी
डाइ एनीगदेदा चु ताम भ्रिबा
मुला।

१३ आखे ममगदे, हाडनीसे
दडबोहेन्सेन मुबा परमेश्वरदा
डोसेबा मुला।
थेतबासेलमा डाइ हाडनीदा चु
ताम भ्रिबा मुला।
एनी भर्खरला म्हिगदेदाएनोन डाइ
चु ताम भ्रिबा मुला,
एनीगदेसे शैतानदा ढाबा मुला।
ज्योज्यो आले नाना आडागदे,
एनीगदेसे परमेश्वर आबादा
डोसेबा मुला।
थेतबासेलमा डाइ एनीगदेदा चु
ताम भ्रिबा मुला।

१४ आखे ममगदे, हाडनीसे
दडबोहेन्सेन मुबा परमेश्वरदा
डोसेबा मुला।
थेतबासेलमा डाइ हाडनीदा चु
ताम भ्रिबा मुला।
एनी भर्खरला म्हिगदेदाएनोन डाइ
चु ताम भ्रिबा मुला,
एनीगदेला सेम न्हडरी
परमेश्वरला बचन मुबासे
लमा

एनीगदे भड्सी शैतानदा ढाबा
मुला।

जम्बुलिडरी मुबा स्हेदा माया
थालउ

१५ एनीगदेसे जम्बुलिडदेन
जम्बुलिडरी मुबा स्हेगदेदा माया
थालउ। जुन म्हिसे जम्बुलिडदेन
जम्बुलिडरी मुबा स्हेगदेदा माया
लला, थेसे परमेश्वरदा खाइमै माया
आल। १६ तिग्दा भिसम जम्बुलिडरी
मुबा यहाडला सेमसे म्हाइबा स्हेदेन
घमण्ड लबा ताम ओच्छे यहाडला
मीसे म्राड्बा नइबा ताम चा परमेश्वर
आबाग्याम खबा आहिन। चु जम्मान
ताम चा जम्बुलिडग्याम खबा हिन्ना।
१७ म्हिला सेमसे म्हाइबा जम्बुलिडदेन
जम्बुलिडरी मुबा जम्मान स्हे नाश तसी
निला, तर परमेश्वरसे कुल्बा जम्मान
ताम ड्यान्सी भ्रबा म्हि चा खाइमै नाश
आत।

ख्रीष्टदा बिरोध लबागदेला बारेरी
पाड्बा

१८ डाला कोलागदे, चु धुइ
जम्बुलिड नाश तबा धुइ हिन्ना।
तिग्दा भिसम ख्रीष्टदा बिरोध लबा
म्हि खबान मुला भिबा ताम एनीगदेसे
थे:बा मुला। ख्रीष्टदा बिरोध लबा
थेहड्बा म्हिगदे दान्दे ल्हानान
खसी जिन्बा मुला। थेतबासेलमा
चुग्यामसेन यहाडसे चु जम्बुलिड नाश
तबा धुइ तसी जिन्बा मुला भिसी था

याड्बा मुला। १९थेनीगदे यहाडला म्हि आहिन्बा चीम। थेतबासेलमान थेनीगदे यहाडग्याम फेसी निजी। चुदे थेनीगदे यहाडला म्हि हिन्बा हिन्सम यहाडदेन छ्यामनोन चिसेला मुबा। थेनीगदे यहाडला म्हि आहिन भिबा ताम उन्बाला लागिरी यहाडग्याम फेसी निबा हिन्ना।

२०तर एनीगदे चा ख्रीष्टग्याम परमेश्वरला आत्मासे धम्बा म्हि हिन्ना। थेतबासेलमा एनीगदे जम्मासेन सत्य ताम घोबा मुला। २१एनीगदेसे सत्य ताम घोबा आरे भिसी डाइ चु ताम भ्रिबा आहिन। तर सत्यग्याम खजिबै लुसीला ताम आख भिबा ताम एनीगदेसे घोबासे लमान डाइ एनीगदेदा चु ताम भ्रिबा हिन्ना।

२२तर लुसीला ताम पाड्बा म्हि खाल हिन्ना? तिग येसूदा थार्बा पिन्बा ख्रीष्ट आहिन भिसी पाड्बा म्हि नोन लुसीला ताम पाड्बा म्हि आहिन? हिन्ना। चुनोन ख्रीष्टदा बिरोध लबा म्हि हिन्ना। तिगदा भिसम थेसे परमेश्वर आबादेन थेला भादा सदन बिरोध लमुला। २३जुन म्हिसे परमेश्वरला भादा बिरोध लला थेसे परमेश्वर आबादाएनोन बिरोध लला। ओच्छे जुन म्हिसे परमेश्वरला भादा थार्बा पिन्बा गले हिन्ना भिसी विश्वास लला थेसे परमेश्वर आबादाएनोन विश्वास लला।

२४थेतबासेलमा जुन ताम एनीगदेसे डाच्छाहेन्सेन थे:बा मुला, थे ताम

एनीगदेसे हाडला सेमरी थान्गो। चुदे एनीगदेसे डाच्छाहेन्सेन थे:बा ताम हाडला सेमरी थान्जी भिसम एनीगदे परमेश्वर आबादेन थेला भादेन छ्याम तला। २५थेसे यहाडदा पिन्ना भिसी लबा कबुल चा जुकजुकधोनाला जुनी हिन्ना।

२६चु जम्मान ताम डाइ एनीगदेदा फसब लबारी म्हाइबा म्हिगदेला बारेरी भ्रिबा हिन्ना। २७तर एनीगदेसे ख्रीष्टग्याम परमेश्वरला आत्मा याड्बा मुला, थे आत्मा एनीगदेदेन छ्याम सदन धन्छ्याला। थेतबासेलमा एनीगदेदा खालैसेन तिगै लोप्आतो:। तिगदा भिसम परमेश्वरला आत्मासेन जम्मान तामला बारेरी एनीगदेदा लोप्ला। परमेश्वरला आत्मासे लोप्ला ताम चा लुसीला ताम आहिन, सत्य ताम हिन्ना। थेतबासेलमा परमेश्वरला आत्मासे एनीगदेदा लोप्ला अन्छार एनीगदे ख्रीष्टदेन छ्याम गिक तसी चिउ।

२८डाला कोलागदे, ख्रीष्ट दो:सी फेप्खबा धुइरी यहाडसे आँट याड्सी ख्रीष्टला डाच्छा यहाड पे:आतो:गै भिसी सदन ख्रीष्टदेन छ्याम गिक तसी चिउ। २९ख्रीष्ट परमेश्वरसे म्हन्बा अन्छार भ्रबा प्रभु हिन्ना भिबा ताम एनीगदेदा थानोन मुला। चु ताम था तमाहेन्से परमेश्वरसे म्हन्बा अन्छार गे लबा जम्मान म्हिगदेएनोन परमेश्वरलान सन्तान हिन्ना भिसी एनीगदेसे था याड्तो:ला।

परमेश्वरला सन्तान

३ च्यागो, यहाडदा परमेश्वर आबासे गाते ल्हाना माया लबा मुला। परमेश्वरला मायासे लमान यहाडदा परमेश्वरला सन्तान भिसी पाड्बा हिन्ना, चु ताम सत्यएनोन हिन्ना। थेतबासेलमा जम्बुलिडला म्हिगदेसे यहाडदा डोआसेबा हिन्ना, तिगदा भिसम थेनीगदेसे परमेश्वरदा डोआसेनी।* २डाला सेम निबा ह्ोगदे, दान्दे चा यहाड परमेश्वरलान सन्तान हिन्ना। तर लिच्छा चा तिग तला थे ताम यहाडदा उन्बा आरे। तर ख्रीष्ट दोःसी फेप्खबा धुइरी यहाडएनोन ख्रीष्ट ह्डबान दोला। तिगदा भिसम थे धुइरी यहाडसे ख्रीष्ट खाह्ड्बा मुला थेह्डबान म्राड्बला भिबा ताम यहाडदा था मुला। ३ख्रीष्टथोरी चुह्ड्बा आश थान्बा जम्मान म्हिगदेसे ख्रीष्ट खाह्ड्बा चोखो मुला, हाडदाएनोन थेह्डबान चोखो थान्मुला।

४पाप लसीन चिबागदे जम्मासेन परमेश्वरला ठिम आड्यान्बा हिन्ना। तिगदा भिसम ठिम आड्यान्बान पाप हिन्ना। ५म्हिगदेला पापला दोष मेटब लबाला लागिरी तिगै पाप आरेबा ख्रीष्ट चु जम्बुलिडरी फेप्खजी भिबा ताम एनीगदेदा थानोन मुला।* ६थेतबासेलमा सदन ख्रीष्टदेन छ्याम गिक तसी चिबा म्हिगदेसे पाप आल।

तर सदन पाप लसी चिबा म्हिसे ख्रीष्टदा न्ह म्राड्बा मुला न्ह डोसेबा मुला।

७डाला कोलागदे, एनीगदेदा खालैसेन फसब लआम्याङ्गै। जुन म्हिसे परमेश्वरसे म्हन्बा अन्छार गे लला, थे म्हि परमेश्वरसे म्हन्बा अन्छार भ्रबा ख्रीष्ट ह्डबान दोला। ८तर जुन म्हिसे सदन पाप लला, थे म्हि चा शैतानना हिन्ना। तिगदा भिसम शैतानसे चा डाच्छाहेन्सेन पाप लसीन खमुला। थेतबासेलमा शैतानना गेदा नाश लबाला लागिरी परमेश्वरला भा जम्बुलिडरी फेप्खबा हिन्ना। ९परमेश्वरला सन्तान दोःसी न्हबा म्हिगदेसे सदन पाप लसी आचि, तिगदा भिसम थेदेन छ्याम परमेश्वरला बानीबेहोर तमुला। थेतबासेलमा थेसे सदन पाप लसी आचि, तिगदा भिसम परमेश्वरनोन थेला आबा हिन्ना। १०जुन म्हिसे परमेश्वरदा सेम निबा गेदेन स्थान्दोदा माया आल, थे चा परमेश्वरला सन्तान आहिन। थेतबासेलमा थेनीगदेला गेग्यामसेन खाल परमेश्वरला सन्तान, खाल शैतानना सन्तान हिन्ना भिसी प्रस्टन था याड्बा मुला।

गिकसेम गिकदा माया लउ

११एनीगदेसे डाच्छाहेन्सेन थेःबा समाचार चा चुनोन हिन्ना, “यहाडसे

गिकसेम गिकदा माया लतोःला।”*
 १२कयिन शैतानना सन्तान दोसी
 हाडलान आलेदा साइजी।
 थेतबासेलमा यहाड कयिन हड्बा
 दोबारी आत। कयिनसे हाडलान
 आलेदा तिगदा साइजी? तिगदा भिसम
 थेला आलेसे लबा गे परमेश्वरदा सेम
 निबा गे मुबा, तर कयिनसे लबा गे
 परमेश्वरदा सेम आनिबा गे मुबा।*

१३डाला ज्योज्यो आले नाना
 आडागदे, चुदे एनीगदेदा जम्बुलिडला
 म्हिगदेसे हेला लसम उदेक थाम्हनो।
 १४यहाडसे यहाडला ज्योज्यो आले
 नाना आडागदेदा माया लबासे
 लमा कालग्याम फेसी यहाडसे छार
 जुनी याइजी भिबा ताम यहाडदा
 था मुला। तर जुन म्हिसे माया
 आलनी थे दान्देधोना कालला तहरी
 मुला।* १५हाडला ज्योज्यो आले
 नाना आडागदेदा हेला लबा म्हि चा
 ज्यानमारा हिन्ना। थेहड्बा म्हिला
 लागिरी जुकजुकधोनाला जुनी आरे
 भिबा ताम एनीगदेदा थानोन मुला।

१६यहाडदा माया लसी ख्रीष्टसे
 हाडला ज्याननोन पिन्बासे लमा
 माया तिग हिन्ना भिबा ताम यहाडसे
 ज्याना लसी घोबा मुला। थेतबासेलमा
 यहाडसेनोन हाडला ज्योज्यो आले
 नाना आडागदेला लागिरी ज्याननोन
 पिन्बारी तयार ततोःला। १७तर जुन
 म्हिदेन छ्याम जम्बुलिडला धन

सम्पत्ति मुला, थेसे हाडला ज्योज्यो
 आले नाना आडागदेदा खाँचो
 तबा म्राड्सीनोन आपिन्नी भिसम
 थेहड्बा म्हिदेन छ्याम खाहड्
 लसी परमेश्वरला माया तला?
 १८डाला कोलागदे, यहाडसे सुडसे
 जे स्थान्दोदा माया लबा आहिन, तर
 यहाडसे सेमहेन्सेन माया लतोःला।
 थेहड्बा माया चा यहाडसे लबा
 गेग्यामसेन म्राड्ला। १९चुग्यामसेन
 यहाड सत्यला म्हि हिन्ना भिबा ताम
 था याड्ला। ओच्छे यहाड परमेश्वरला
 डाच्छा ढुक्क तसी चिखम्ला।
 २०तसैनोन यहाडदा हाडला सेमसे
 मी दोष लमुला भिसम परमेश्वर मी
 भन यहाडला सेम भन्दा घेन हिन्ना
 भिबा ताम यहाडदा था मुला। ओच्छे
 परमेश्वरदा जम्मान ताम था तला।

२१डाला सेम निबा ह्योगदे, यहाडला
 सेमसे यहाडदा दोष आलनी भिसम
 यहाडदा परमेश्वरला डाच्छा
 निबारी ल्हानान आँट याड्ला।
 २२ओच्छे यहाडसे ह्यीबा जम्मान
 स्हे परमेश्वरग्याम याड्ला। तिगदा
 भिसम यहाडसे परमेश्वरसे कुल्बा
 ताम ड्यान्सी परमेश्वरदा सेम निबा
 गे लबा मुला। २३परमेश्वरसे कुल्बा
 ताम चा थेला भा येशू ख्रीष्टदा
 विश्वास लबादेन येशू ख्रीष्टसे कुल्बा
 अन्छार गिकसेम गिकदा माया
 लबा हिन्ना। २४परमेश्वरसे कुल्बा

ताम ड्यान्बा म्हिगदे परमेश्वरदेन छ्याम तला, ओच्छे थेनीगदेदेन छ्यामएनोन परमेश्वर तला। परमेश्वर य्हाडदेन छ्याम तला भिबा ताम चा य्हाडदेन छ्याम मुबा परमेश्वरला आत्माग्यामसेन य्हाडसे था याड्बा मुला।

परमेश्वरला आत्मादा डोसेगो

४ डाला सेम निबा ह्योगदे, परमेश्वरला आत्मा मुला भिसी भ्रबा खजिबै म्हिदा विश्वास थालउ। तर थेनीगदेदेन छ्याम परमेश्वरला आत्मा मुला कि आरे भिसी च्यागो। तिग्दा भिसम लुसीला ताम पाड्बा अगमवक्तागदे जम्बुलिड नाडनोन खसी जिन्बा मुला। २येशू ख्रीष्ट म्हिला रुपरी जम्बुलिडरी फेप्खबा हिन्ना भिसी पाड्बा म्हिदेन छ्याम चा परमेश्वरला आत्मा तला। चुग्यामसेन एनीगदेसे थेहड्बा म्हिदेन छ्याम परमेश्वरला आत्मा मुला भिसी था याड्बा। ३येशू परमेश्वरग्याम फेप्खबा हिन्ना भिबा तामदा विश्वास आलबा म्हिगदेदेन छ्याम परमेश्वरला आत्मा आत। तर थेदेन छ्याम ख्रीष्टदा बिरोध लबाला आत्मा तला। थे आत्मा खाल भिबा ताम एनीगदेसे डाच्छान थेःसी जिन्बा मुला। दान्दे थे आत्मा जम्बुलिडरी खसी जिन्बा मुला।

४ डाला कोलागदे, एनीगदे चा परमेश्वरला हिन्ना। थेतबासेलमा एनीगदेसे थे लुसीला ताम पाड्बा

अगमवक्तागदेदा ढाबा मुला। तिग्दा भिसम एनीगदे न्हडरी मुबा परमेश्वरला आत्मा चा जम्बुलिडरी मुबा आज्यबा आत्मा भन्दा घेन हिन्ना। ५थेनीगदे जम्बुलिडला हिन्ना। थेतबासेलमा थेनीगदेसे जम्बुलिडला ताम जे लमुला। ओच्छे थेनीगदेसे पाड्बा ताम जम्बुलिडरी मुबागदेसे जे ड्यान्मुला। ६तर य्हाड मी परमेश्वरला म्हि हिन्ना। जुन म्हिसे परमेश्वरदा डोसेबा मुला थेसे य्हाडला ताम ड्यान्ना। ओच्छे जुन म्हि परमेश्वरला म्हि आहिन, थेसे य्हाडसे पाड्बा ताम आड्यान। चुग्यामसेन य्हाडसे सत्य आत्मादेन फट्टा आत्मादा डोसेखम्ला।

परमेश्वरला माया

७ डाला सेम निबा ह्योगदे, य्हाडसे गिकसेम गिकदा सदन माया लइ। तिग्दा भिसम माया परमेश्वरग्याम खमुला। जुन म्हिसे जम्मादान माया लला, थे परमेश्वरला सन्तान हिन्ना। थेतबासेलमा थेसे परमेश्वरदा डोसेबा मुला। ८तर जुन म्हिसे स्थहान्दोदा माया आल, थेसे परमेश्वरदा डोआसे। तिग्दा भिसम परमेश्वरनोन माया हिन्ना। ९ओच्छे परमेश्वरसे थेग्याम य्हाडसे जुनी याड्गै भिसी हाडला गिक जेन भादा जम्बुलिडरी पुइखसी य्हाडदा हाडला माया उन्जी। १०चुनोन सत्य माया हिन्ना। चु य्हाडसे परमेश्वरदा लबा माया आहिन, तर परमेश्वरसे य्हाडदा लबा माया हिन्ना।

थेतबासेलमान थेसे ह्याडला भा सिसी
य्हाडला पाप माफ तगै भिसी ह्याडलान
भादा जम्बुलिडरी पुइखजी।

११ डाला सेम निबा ह्योगदे, परमेश्वर-
से मी य्हाडदा चुहड् लसी माया लबा
मुला भिसम य्हाडसेनोन गिकसेम
गिकदा माया लतोःला। १२ खालैसेन
परमेश्वरदा खाइमै म्राड्बा आरे। तर
चुदे य्हाडसे गिकसेम गिकदा माया
लजी भिसम परमेश्वरएनोन य्हाड
न्हडरी धन्छ्याला। जमाहेन्से य्हाडसे
लबा मायाएनोन परमेश्वरसे य्हाडदा
लबा माया ह्ण्डबान तला।*

१३ चुहड् लसी य्हाडदा परमेश्वरसे
ह्याडलान आत्मा पिन्बा मुला।
थेतबासेलमा य्हाड परमेश्वरदेन
छ्याम, ओच्छे परमेश्वर य्हाडदेन
छ्याम मुला भिबा ताम य्हाडदा था
मुला। १४ जम्बुलिडला जम्मान म्हिदा
थार्ना लबारी परमेश्वर आबासे
ह्याडलान भादा जम्बुलिडरी पुइखजी
भिबा ताम डन्से म्राड्बा मुला। चु
तामनोन डन्से स्थान्दोदा पाड्बा
हिन्ना। १५ जुन म्हिसे येशूदा परमेश्वर-
ला भा हिन्ना भिसी विश्वास लला,
थेदेन छ्याम परमेश्वर धन्छ्याला,
ओच्छे थे परमेश्वरदेन छ्याम तला।
१६ परमेश्वरसे य्हाडदा गाते माया
लमुला भिबा ताम य्हाडदा था मुला,
ओच्छे य्हाडसे थेदा विश्वास लबा
मुला।

परमेश्वर चा माया हिन्ना,
ओच्छे जुन म्हि थे मायारी भ्रला,
थे परमेश्वरदेन छ्याम तला,
ओच्छे परमेश्वरएनोन थेदेन छ्याम
धन्छ्याला। १७ परमेश्वरसे निसाफ
लबा धुइरी य्हाड हुक्क तसी चिबाला
लागिरी य्हाडसे स्थान्दोदा लबा
मायाएनोन परमेश्वरसे लबा माया
ह्ण्डबान स्होबा मुला। तिग्दा भिसम
ख्रीष्ट जस्तो मुला य्हाडएनोन चु
जम्बुलिडरी थे ह्ण्डबान दोबा मुला।
१८ परमेश्वरसे लबा ह्ण्डबान माया
लबा म्हि खाइमै आलोड्। तिग्दा
भिसम थेह्ण्डबा मायारी लोड्बा भिबा
तनोन आत। तर परमेश्वरसे लबा
ह्ण्डबान माया आलबा म्हि चा सजाय
याड्ला भिसी लोड्ला।

१९ डाच्छा परमेश्वरसेन य्हाडदा
माया लबासे लमा य्हाडसेनोन
परमेश्वरदा माया लबा मुला। २० चुदे
खालै म्हिसे “डाइ परमेश्वरदा माया
लमुला” भिसी पाड्सी भ्रला, तर
ह्याडला ज्योज्यो आले नाना आडादा
चा हेला लमुला भिसम थे फट्टा
हिन्ना। तिग्दा भिसम ह्याडला मीसे
म्राड्बा ज्योज्यो आले नाना आडादा
मी माया लबारी आखम्बासे आम्राड्बा
परमेश्वरदा माया लबारी आखम।
२१ जुन म्हिसे परमेश्वरदा माया लला,
थेसे ह्याडला ज्योज्यो आले नाना
आडादाएनोन माया लला। तिग्दा

भिसम य्हाडदा ख्रीष्टसे कुल्बा ताम चुनोन हिन्ना।

परमेश्वरला भाथोरी लबा विश्वास

५ येशूदा थार्बा पिन्बा ख्रीष्ट हिन्ना भिसी विश्वास लबागदे जम्मान परमेश्वरला सन्तान हिन्ना। ओच्छे जुन म्हिसे आबादा माया लला, थे म्हिसे थेला सन्तानदाएनोन माया लला।^२ चुदे य्हाडसे परमेश्वरदा माया लसी थेसे कुल्बा अन्छार भ्रजी भिसम चुग्यामसेन य्हाडसे परमेश्वरला कोलागदेदा माया लमुला भिबा ताम था याड्ला।^३ तिग्दा भिसम परमेश्वरदा माया लबा भिबा चा परमेश्वरसे कुल्बा अन्छार भ्रबा हिन्ना। परमेश्वरसे कुल्बा अन्छार भ्रबारी गाहोएनोन आरे।*^४ तिग्दा भिसम परमेश्वरला जम्मान कोलागदेसे जम्बुलिड^१ थोरी ढाबारी खम्ला। य्हाडसे जम्बुलिडदा ढाबा चा य्हाडला विश्वासग्यामनोन हिन्ना।^५ खाल्से जम्बुलिडथोरी ढाखम्ला? जुन म्हिसे येशूदा परमेश्वरला भा हिन्ना भिसी विश्वास लला, थेसे जे जम्बुलिडथोरी ढाखम्ला।

^६ येशू ख्रीष्टदा क्युइदेन काग्याम उन्जी। क्युइग्यामसे^१ जे आहिन,

काग्यामसेनोन हिन्ना। चु ताम सत्य हिन्ना भिसी परमेश्वरला आत्मासेन पाड्बा मुला, तिग्दा भिसम परमेश्वरला आत्मा सत्य हिन्ना।^७ चु तामला साक्षी सोम मुला।^८ क्युइदेन का ओच्छे परमेश्वरला आत्मासे पाड्बा ताम गिकनोन हिन्ना।^९ चुदे य्हाडसे म्हिसे पाड्बा ताम मी विश्वास लमुला भिसम परमेश्वरसे सुड्बा ताम मी य्हाडसे भन विश्वास लनोन तोःबा हिन्ना। तिग्दा भिसम परमेश्वरसे हाडलान भा ख्रीष्टला बारेरीनोन य्हाडदा सुड्बा मुला।^{१०} थेतबासेलमा जुन म्हिसे परमेश्वरला भादा विश्वास लला, थेला हाडलान सेम न्हडरी चु जम्मान ताम था तला। तर जुन म्हिसे परमेश्वरदा विश्वास आल, थेसे परमेश्वरसे सुड्बा सत्य तामदान लुसीला ताम हिन्ना भिसी म्हन्ना। तिग्दा भिसम परमेश्वरसे हाडला भाला बारेरी सुड्बा तामनोन थेसे विश्वास आल।^{११} य्हाडसे म्हाड्बा ताम चा परमेश्वरसे य्हाडदा पिन्बा जुकजुकधोनाला जुनी हिन्ना। थे जुकजुकधोनाला जुनी चा परमेश्वरला भादेन छ्याम मुला।*^{१२} थेतबासेलमा जुन म्हिदेन छ्याम परमेश्वरला भा मुला, थेदेन छ्याम जुकजुकधोनाला

५:४ चु पदरी “जम्बुलिड” भिबा चा जम्बुलिडरी मुबा जम्मान नड्बा तामगदे हिन्ना।

५:६ क्युइग्याम भिबा चा येशूसे किन्बा बप्तिस्मा हिन्ना, ओच्छे काग्याम भिबा चा येशू कुसरी सिबा हिन्ना।

५:३ यूह १४:१५ ५:११ यूह ३:३६

जुनी मुला। जुन म्हिदेन छ्याम परमेश्वरला भा आरे, थेदेन छ्याम जुकजुकधोनाला जुनी आरे।

जुकजुकधोनाला जुनी

१३ परमेश्वरला भादा विश्वास लबा म्हि एनीगदेसे जुकजुकधोनाला जुनी याड्बा मुला भिबा ताम था याड्गै भिसीन डाइ चु ताम भिबा हिन्ना। १४ परमेश्वरसे म्हन्बा अन्धार यहाडसे जुन स्हे हीसैनोन पूरा लला भिबा तामरी यहाड परमेश्वरथोरी दुक्क मुला। १५ यहाडसे जुन स्हे हीसैनोन परमेश्वरसे पूरा लमुला भिबा ताम यहाडदा था मुला। ओच्छे यहाडसे परमेश्वरदेन छ्याम हीबा स्हेगदेएनोन याड्सी जिन्बा मुला भिबा ताम यहाडदा था मुला।

१६ चुदे खालै म्हिसे हाडला ज्योज्यो आले नाना आडासे सिना आलबा पाप लबा म्राड्जी भिसम थेला लागिरी परमेश्वरदेन छ्याम प्रार्थना लसी पिन्गो। थेहड् लसी एनीगदेसे प्रार्थना लजी भिसम थेसे जुकजुकधोनाला जुनी याड्ला। तर सिना लबा† पापएनोन मुला, थेहड्बा पाप लबा

म्हिगदेला लागिरी चा प्रार्थना लउ भिसी डाइ एनीगदे खालैदान आपाड्। १७ जम्मान खाल्ला नइबा गेगदे पाप हिन्ना, तसैनोन सिना आलबा पापएनोन मुला।

१८ परमेश्वरला कोलागदे खालैसेन सदन पाप आलमुला भिबा ताम यहाडदा था मुला। तिग्दा भिसम परमेश्वरला भासे थेदा जोगब लसी थान्ना, ओच्छे शैतानसे थेदा थुर्बारी आखम। १९ चु जम्बुलिड शैतानना यारी मुसैनोन यहाड परमेश्वरला सन्तान हिन्ना भिबा ताम यहाडदा था मुला। २० परमेश्वरला भा फेप्खजी, ओच्छे थे सत्य परमेश्वर हिन्ना भिबा ताम घोखम्नौ भिसी यहाडदा ज्ञान बुद्धि पिन्बा मुला भिबा ताम यहाडदा था मुला। यहाड थेला भा येशू ख्रीष्टदेन छ्याम तबासे लमा दान्दे यहाड सत्य परमेश्वरदेन छ्याम मुला। थेनोन सत्य परमेश्वर जुकजुकधोनाला जुनी हिन्ना।

२१ थेतबासेलमा डाला कोलागदे, एनीगदेसे मूर्तिदा तेन्बा ख्लागो। एनीगदेसे हाडला सेमरी परमेश्वरदा बाहेक अर्गु तिगैदान थाथान्गो।

‡:१६ चुरी “सिना लबा” भिबा चा परमेश्वरग्याम सदन फेबा हिन्ना।